

Dahme Pwung Ken Wia?

Soaih en Tafa ih Emily



Ntingda sang rehn: Lee Noto
Mahlenda sang rehn: Lori Phillips



Tafa ih Emily kin kompani. Ira kin kapar mwadong wiahki ehu ansou koaros.


Menseng koaros ira kin keid pohn pihko kohl sukuhl.



Mwurin sukuhl ira pil kin kapar pohn pihko pwurala ni imwara kan.

Ansou koaros ira kin wiahki ehu oh mwadomwadong.

Tafa ih Emily inenen kompani.



Ehu rahno ni ara pwurasang sukuhl. Tafa ih Emily ahpw kilangada peun menihke lingan ieu. Tafa pitipitte tenge oh pwokadahsang nan pihko.

Emily pwakihala sohte koanoa Tafa. E tiengier oh ih me tepin ale peun menihke lingano. Emily inenen pahtouki wen ah men nainiki peun menike lingano.



Tafa ahpw ketihtihki, “Peun menihke wet ele ih me keieu ligan?”

“Uhdahn mehleh,” Emily sapeng.

Tafa ahpw nda, “I pahn kapatahiong mpen neih peun menihke teikan, pwe ih met me pahn keieu ligan!”

Emily udahn pahtou, pwe ira koaros wiahkintehieu kilangada peun menihke ligan.

Dahme pwung oh konehng irahn wia? Dah omw pepehm?




Tafa ahpw kesihkerada kihong peun menike lingano nan ah pwekido eri ira samwalahr.

Tafa sasairiki me ah pwekido pwoar. E sohte tehk me peun menihke lingano kirisdihla inene pwoahro oh pwoawidi nan pihko.




Emily me kilang...ahpw pitipitte poar powe oh kawaihong
nan pwekid en ah likoulio.

Dahme pwung oh konehng irahn wia?



Tafa ih Emily eri doadoauluhla. Ni ara kerenla Tafa ahpw peki rehn Emily ma e kak sewese, iang ih koasoane nah peun menihke kan.

Emily pitipite sapeng me mie ah seupisek ni imweo,
“So pwe mie ahi homework. Eri kita nek tuhpene lakapw.”



Ni ansouo Tafa pwadik ah pwekido pwe en ale peun menihke lingano. Ahpw tehkada me e solahr mie, e pwopwila. Tafa werila, “Peun menihke lingano pwopwila!”

Tafa ahpw mwohndi sengiseng. Emily kesihnenda sehsehla dahme e pahn nda de dahme e pahn wia. Sohte mehkot e kak nda, ahri e samwalahr ni imweo.

Dahme pwung ken wia? Dah omw pepehm?



Emily pil sohte nsenamwahuki dahme wiawio, ahpw wen kansenamwahu ah kehn poun menihke lingano nan ah pwekido. Ahpw uhdı kapwarehda oh tehktikih wen lingan. Lingan sang meh koaros.

Ahpw Emily pil ahniki pahtou, mwoaros nan kapehde.



Pwohngo Emily meirla ih ouraman me poun menihke lingano lapakehieila nan madauo. Emily ahpw pirida oh sohla kak meir. E pehmada me e anahne wia mehkot me pwung pahrek ong ira koaros.

Dahme pwungiong ken wia? Dah omw pepehm?



Manda sang rahno Tafa ih Emily pil pwurehng tuhpene pohn pihko. Ira koaros pahtou. Ira tuhpene sohte rahnmwahu sohte koasoai, oh Emily solahr kak eki sapwung me e wiahda.

Ahpw eker, “Tafa I men ken wehwehki me I ese iawasa noumw poun menihke lingano mihmi ie, oh I men ken pwurehng ale.”

Tafa pwuriamwei ni ah kilang Emily ah pwadik poun menihke lingano sang nan ak pwekido.



“lawasa ke diar ie?” Tafa kalelapak.

“E pwopwisang nan omw pwekiden pohn pihko ngehi ale. Pwe I pil men nainiki, ahpw I poakehkinuhkala wen omw pahtou. Pwe mehlel oapwoat me iei poun menihke keieu ringan met,” Emily koasoia.

Emily ahpw kapalahng poun menihke lingano rehn Tafa. Tafa inenen perenda kouahlap, kadarala lepelepen kouruhr ieu walekpeseng ni eweo.



Tafa ahpw nda, “Ke ese dah, ekei ansou I pahn kin kilokol ah ekei ansou ke pahn uhd kolokol.”

Emily pil pwungki oh ira pwugnkupene me ira pahn nainikipene peun menihke lingano.

Emily ahpw nda, “Kita pil kak pwurehng rapahki ma kita sou pahn diar ekei peun menihke me pil ligan.”

Dahme pwungiong ken wia? Dah omw pepehm?

This book is part of a series of Pacific language early readers developed by Pacific Resources for Education and Learning (PREL).

We would like to thank the following people for their assistance in developing this set of early reading materials.

Acknowledgements

Pohnpeian

Translated by: Rod Mauricio

English

Author: Lee Noto

Illustrator: Lori Phillips



Pacific Resources for Education and Learning

900 Fort Street Mall Suite 1300 Honolulu, Hawai'i 96813

Phone: (808) 441-1300 Fax: (808) 441-1385

U.S. Toll-free Phone: (800) 377-4773

U.S. Toll-free Fax: (888) 512-7599

Email: askprel@prel.org Website: www.prel.org

Building Capacity Through Education

This product was funded by the U.S. Department of Education (U.S. ED) under the Regional Educational Laboratory program, award number ED01CO0014. The content does not necessarily reflect the views of the U.S. ED or any other agency of the U.S. government.

© copyright PREL 2006